

## SUL CYFFREDIN 5

1 SAMUEL 8:4-11 [12-15] 16-20 [11:14-15]; SALM 138;  
2 CORINTHIAID 4:13-5:1; MARC 3:20-35

---

---

### ● Gweddi agoriadol

Drwy'r byd  
daw dy blant ynghyd,  
mewn dinas, tref,  
pentref,  
gwersyll ffoaduriaid,  
ble bynnag y gallant.  
Felly unwn gyda'u lleisiau hwy  
mewn symffoni o foliant  
gyda'r côr nefol.

### ● Moliant

Mae dy air yn ddibynadwy;  
gwelodd cenhedlaeth ar ôl cenhedlaeth  
dy wirionedd  
yn torri drwy'r byd hwn  
i mewn i galonnau ac eneidiau,  
ble y gall  
dyfu  
a blaguro  
a gogoneddu dy enw.

Mae dy gariad yn dragwyddol;  
bendithiwyd cenhedlaeth ar ôl cenhedlaeth  
drwy osod eu ffydd ynot ti,  
cerdded yn ôl dy droed  
a byw bywydau  
sy'n syml,  
ddiymhongar,  
ogoneddu dy enw.

● **Cyffes**

Maddau i ni, Arglwydd,  
pan fo ein bywydau mor brysur  
bod ein llygaid yn cael eu denu  
at bleserau dros dro  
y byd hwn  
ac i ffwrdd  
oddi wrth y tragwyddol.

Maddau i ni, Arglwydd,  
pan fo trafferthion y foment  
yn llenwi oriau ein diwrnod  
a'r baich yn rhy drwm  
i'w gario,  
ac eto methwn  
benlinio wrth dy draed.

Cadw ein llygaid arnat ti, Arglwydd,  
Ti ein nerth a'n noddfa,  
achos gallwn ymddiried yn dy drugaredd  
a dibynnu arno.

● **Diolch**

Am gariad  
sy'n rhoi bri arnom ni hyd yn oed –  
mor anhaeddiannol,  
mor barod i fethu,  
mor betrusgar ein ffydd –  
cyflwynwn ein diolch dwfn.

Am gariad  
sy'n ein bendithio a'n tywys ni  
sy'n crwydro'n aml,  
sydd â ffydd mor frau,  
sydd wastad ag angen dy gymorth,  
cyflwynwn ein diolch dwfn.

Am gariad,  
na fyddem yn ddim hebddo,  
ac o'i berchnogi  
sy'n bopeth,  
cyflwynwn ein diolch dwfn.